



## **RESOLUCIÓN do 04 de febreiro de 2020 pola que se nomea o tribunal de selección dunha praza de titulado/a superior de xestor de proxecto para a Unidade de Asesoramento Científico-técnico.**

Unha vez convocado proceso selectivo para a provisión mediante contrato laboral temporal dunha praza de titulado/a superior de xestor de proxecto para a Unidade de Asesoramento Científico-técnico, pola resolución do 11 de decembro de 2019, publicada no *Diario Oficial de Galicia* número 242, do 20 de decembro de 2019, vistos o artigo 59 da Lei 16/2010 do 17 de decembro, de organización e funcionamento da Administración xeral e do sector público de Galicia, o artigo 15 do Decreto 112/2015, do 31 de xullo, polo que se crea a Axencia Galega para a Xestión do Coñecemento en Saúde e se aproban os seus estatutos, e a restante normativa aplicable, e de acordo co artigo 11 do V convenio colectivo único para o persoal laboral da Xunta de Galicia; en uso das facultades conferidas polo antedito *Decreto 112/2015, do 31 de xullo*, e de conformidade co establecido nas bases de dita convocatoria, esta xerencia

### **RESOLVE**

Nomear o tribunal, titular e suplente, que deberá facer a selección da praza de titulado/a superior para a Unidade de Asesoramento Científico-técnico, recollida na mencionada convocatoria.

Dito tribunal ten a seguinte composición:

Tribunal titular:

Presidencia: Pilar Morgade Saavedra, Directora da Área de Planificación e Promoción da Investigación Sanitaria, persoal funcionario do corpo superior da Administración Xeral da Comunidade Autónoma de Galicia, subgrupo A1.

Secretaría: María Isabel Barros Pena, Xefa do servizo de xestión, persoal estatutario grupo técnico da función administrativa, subgrupo A1.

Vogal: Elías Vázquez Iglesias, persoal estatutario grupo técnico da función administrativa, subgrupo A1.

Tribunal suplente:

Presidencia: Mario Mosquera Vereas, Director da Área de Xestión do Coñecemento e o Talento,





persoal estatutario grupo técnico da función administrativa, subgrupo A1.

Secretaría: Inés Mato Naveira, Xefa do servizo de docencia, persoal funcionario facultativo superior de saúde pública e administración sanitaria, subgrupo A1.

Vogal: María González Nores, Xefa do servizo de innovación formativa, persoal estatutario técnico superior en prevención do riscos, subgrupo A1.

A este tribunal resúltanlle de aplicación as instrucións relativas ao funcionamento e actuación dos tribunais de selección do 11 de abril de 2007 e o Acordo adoptado no Consello da Xunta de Galicia do 8 de abril de 2010.

Os membros do tribunal deberán absterse de intervir, notificándollo a Xerencia da Axencia Galega para a Xestión do Coñecemento en Saúde, cando concorran neles circunstancias das previstas no artigo 23 da Lei 40/2015, do 1 de outubro, de réxime xurídico do sector público.

Así mesmo, os/as aspirantes poderán recusar os membros do tribunal cando concorran neles algunha das circunstancias referidas nos termos establecidos no artigo 24 da citada Lei 40/2015, do 1 de outubro.

Contra esta resolución, que non pon fin á vía administrativa, cabe interpor recurso de alzada ante a Presidencia da Axencia Galega para a Xestión do Coñecemento en Saúde no prazo dun mes, a contar dende o día seguinte ao da súa publicación, ao amparo do artigo 121.1 da Lei 39/2015, do 1 de outubro, do procedemento administrativo común das administracións públicas.

Santiago de Compostela, a 04 de febreiro de 2020

Beatriz Allegue Requeijo

Xerente

Axencia Galega para a Xestión do Coñecemento en Saúde

